

Le botyè a Tobi dè Vevè

Autor(en): **Chudan, R.**

Objektyp: **Article**

Zeitschrift: **L'ami du patois : trimestriel romand**

Band (Jahr): **11 (1983)**

Heft 40

PDF erstellt am: **28.04.2024**

Persistenter Link: <https://doi.org/10.5169/seals-240937>

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

LE BOTYÈ A TOBI DÈ VEVÈ



Le 5 dè mâ no j'iran mé dè 50 outoua di trâblyê din na granta châla dou Rêstoran dou Rivadzo a Vevè ke M. Mounê, karbatyé, l'avi betâ a nouthra dichpojichyon po nouthra soirée-marinda anuèle.

A 18.00 àrè tota l'achichtanthe chè betè a l'éje outoua d'ouna trâblya po prindre l'apèrô chervi pê trè dzouno simpatike ma k'on vèri difichalamin in bredzon è tsôthè dè tridzo vu k'èthan di j'Italyin ou bin di j'Echpagnol. N'è pâ kemin po lè Fribordzê, ch'on chè rèkonyè pâ ou chon on chè rèkonyè a la fathon. Kan on vè on-otokâr ch'arèthâ chu na plyèthe dè park è k'on-n'in vè chalyi di dzin in bredzon, in dza-kilyon ou bin in triko avoui on karton a botè dèjo le bré è ke n'in chalyechon de la tsanbèta è dè la kuchôla li-a pâ fôta ke l'otokâr portichè na pyèka, tyède-vo, vo j'îthè bin d'akouâ avoui mè. O ! Lyè dè yin pâ on dèjanà.

Adon, po rèvinyi a nouthrè muton, apri kotyè vèro dè byan-kasis — chin fâ a rè-moujâ ou Chanouâne Kir dè Dijon — on tsandzè dè trâbya. Por on kou n'irè pâ na marinda dè bènichon, ma irè kan mimo "monchtramin bon". Chin on l'a oyu a na trâbya k'irè garnya dè minbro ke vinyan dri du Tsêrmê, di minbro ke dève-
jon chi vretâbyo patê pyan ma fin grâ, avoui on-aksan ke vô atan tyè chi dou Grô-dè-Vô. Le menèthrê, Rémon Demierre d'Uchi rinpyèthè a li cholè tot-on orkèstre, l'è on ke pê pâ chon tin. L'a a pènaournê cha choupa k'inpunyè cha bachtringa à chin chè rèpètè achtou ke nouthrè chomelyé tsandzon dè pyèti. A ! Kré non dè ti lè dyâblyo ! Chi, i dèvechè avi lè bè di dè pyin dè kachirè le lindè-man. Ma, le mochi dè "résistance" kemin on di in francé, lyè chin ke no j'an jou le pyéji dè vère apri la marinda. Ouna bouna dodzanna dè minbro di "Grahya", groupèmin dè patèjan ke fan partcha de la chochyètâ di Fribordzê dè Lojena "L'alpée" ke prèjidè M. Maurice Berset arouvon. Kotyè minbro dè chti groupèmin ke diridzè M. Martin Delacombaz l'an dzuyè po no "Teréjèta", kômèdi in dou j'akte dè Fd. Ruffieux. Che l'an tsèrtchi a no rëdzolyi è a no fère a pachâ na vouërba pyèna dè dzoulyo l'an raouchè pye yin tyè lou j'èchpèranthè. Ti hou j'akteu l'an fèrmo bin intèrprètâ lou rôle du le premi tantyè ou dêri è de la premîre tentyè a la dêrire, ke chi l'èkofê, cha fèna, Teréjèta, in pachin pê lè j'ôtro por arouvâ a chi k'irè dèdjijâ in kabochèta (coquelicot) è ke bèthèyivè, kekèyivè tan bin ke chu jou li dèvejâ in d'apri po vère che l'avi fi èchprè ou bin tyè.

Bravô è fèlichitachyon i "Grahya" dè Lojena è a Médé Hlyemin, nouthron chejin prèjidan por avi trovâ hou pêrlè ke no j'an fi a rèkathalâ ouna boun'âra dè gran. On-èjginpyo a chuèdre po lè chochyètâ ke l'an na vèlya a inkotchi è a organijâ.